

## Grantiau amaeth-amgylcheddol a chyngor technegol

### Cyngor Cefn Gwlad Cymru (CCGC)

£ Tir Gofal: cynllun fferm gyfan (TG)

£ Cytundebau rheoli SoDdGA

(gan gynnwys Cynllun Afonydd Byw LRS)

📖 01646 624000

[www.ccw.gov.uk](http://www.ccw.gov.uk)

### Awdurdod Parc Cenedlaethol Arfordir Penfro (APCAP)

£ Gwarchod y Parc (GyP)

£ Cytundebau Rheolaeth

☎️ ↔ 0845 3457275

[www.arfordirpenfro.org.uk](http://www.arfordirpenfro.org.uk)

### Cyswllt Ffermio (CFF)

£ Grant Gwella'r Fferm (GGFf)

📖 ☎️ 📍 08456 000813

[www.farmingconnect.co.uk](http://www.farmingconnect.co.uk)

### Asiantaeth yr Amgylchedd Cymru (AAC)

£ Grant Amcan 1 Pysgodfeydd (GP)

📖 ☎️ 📍 01792 325500

[www.environment-agency.gov.uk](http://www.environment-agency.gov.uk)

### Comisiwn Coedwigaeth Cymru (CCC)

£ Cynlluniau Grant Coetir (CGC)

01873 850060 [www.forestry.gov.uk](http://www.forestry.gov.uk)

### Grŵp Ymgynghorol Ffermio a Bywyd Gwyllt (GYFFBG)

📖 ☎️ 📍 01341 421456

[www.fwag.org.uk](http://www.fwag.org.uk)

### Canolfan Organig Cymru (OCW)

£ Cynlluniau Ffermio Organig (CFFO)

📖 ☎️ 01970 622100

[www.organic.aber.ac.uk](http://www.organic.aber.ac.uk)

### Y Gymdeithas Frenhinol er Gwarchod Adar (RSPB)

📖 ☎️ 01767 680551

📍 Cynghrair Ffermwyr

Gwirfoddol [www.rspb.org.uk](http://www.rspb.org.uk)

### Butterfly Conservation (BC)

📖 01929 400209

[www.butterfly-conservation.org](http://www.butterfly-conservation.org)

### Plantlife Wales

📖 01248 385445

[www.plantlife.org.uk/html/wales/wales\\_index.htm](http://www.plantlife.org.uk/html/wales/wales_index.htm)

### Ymddiriedolaeth Afonydd Sir Benfro (YASB)

☎️ 📍 01834 861203

[www.pembarts.org](http://www.pembarts.org)

📖 Taflen / gwybodaeth ☎️ Cyngor 📍 Ymweliad

↔ rhwydweithiau pori a pheirianwaith

£ Grant ar gael ( cyngor ac ymweliadau safle ar gael os ydych chi'n ceisio am grant)

This leaflet is also available in English, contact Bethan Cox 0790 1541727 for an English copy.

# Ffermio a Bywyd Gwyllt



Pwll syml wedi ei greu yng nghornel y cae, gyda chlawdd wedi plygu a choed tal y tu ôl.

Sut i wneud y defnydd gorau o'r cymorth amaeth-amgylcheddol ariannol a thechnegol sydd ar gael yn Sir Benfro.

Partneriaeth

Bioamrywiaeth

Sir Benfro



Pembrokeshire

Biodiversity

Partnership

## Codau Arfer Amaethyddol Da. ££

Mae'r codau yma ar gyfer dŵr, aer a phridd yn gyfres o ganllawiau arfer da i ffermwyr eu dilyn ac maen nhw'n lleihau'r risg o achosi llygredd ac yn diogelu adnoddau naturiol y fferm.



UAC, NFU, CPT, AA-C, RSPB, CFF

## Cloddiau ££

Torrwch y rhain ar gylchdro 2-flynedd, o leiaf, ac mae'n well torri ar ôl mis Ionawr oherwydd mae'r rhan fwyaf o'r pryfed yn cysgu ac mae'r coed a'r llwyni wedi gorffen ildio ffrwyth. Peidiwch â thorri yn ystod y cyfnod y mae'r adar yn atgennedlu, sef Mawrth-Gorffennaf. Gadewch ambell goeden fel postyn canu ar gyfer aderyn sy'n atgennedlu. Mae pili-palaod Hairstreak brown yn dodwy eu wyau ar blanhigion ifainc y llwyni ac nid ydynt yn gallu goroesi ffustio blynyddol.

£ TG, GGf, GyP ar gyfer plannu a rheoli coedwrych ar gyfer bywyd gwyllt.

## Cynnal neu blannu coed brodorol £

Mae plannu neu gynnal coetir brodorol mewn man addas yn gallu gweithredu fel coridor o fywyd gwyllt, gan gysylltu cynefinoedd at ei gilydd a darparu cynefinoedd nythu a bwydo ar gyfer adar ac anifeiliaid eraill. Ceisiwch sicrhau bod gennyh gyfuniad amrywiol o goed brodorol o wahanol oed. Gadewch domenni o bren marw ar gyfer pryfed mewn unrhyw fan ar eich fferm.

£ CGC, TG



CCC, GYfBG, CCGC, BC.

## Peidiwch â gor-dacluso ££

Fe allwch adael hen domen y fferm er mwyn i fywyd gwyllt gymeryd drosto ac fe fydd llawer o blanhigion ac anifeiliaid yn elwa o'r tomenni gwastraff llonydd. Fe allent ddod yn dir hela ar gyfer ysglyfaethwyr fel nadredd defaid a chudyllod coch. Mae pentyrrau bach o gerrig a phren hefyd yn gallu darparu cysgod ar gyfer llawer o anifeiliaid.



Melyn yr eithin

## Lleihau'r Defnydd o

### Gemegau £

Ceisiwch osgoi chwistrellu rhai adrannau o'r fferm i alluogi chwyn âr i dyfu ar hyd y ffiniau. Byddwch yn ofalus gyda meddyginiaeth mwydon, oherwydd mae olion Ivermectinau yn dal i fod mewn tail ac yn lleihau poblogaeth rhai o'r pryfed sy'n bwydo ar y tail sy'n torri tail gwartheg i fyny. Mae hyn yn achosi problemau i ystlumod ac ysglyfaethwyr pryfed eraill. Mae yna gynllun fferm gyfan ar gael os ydych chi am newid i ffermio hollol organig.

£ CFFO Plantlife

## Adeiladau'r Fferm



Mae tylluanod gwyn, gwenoliaid, gwenoliaid du, gwenoliaid y bondo ac ystlumod yn gallu nythu mewn adeiladau fferm sydd ddim yn cael eu defnyddio i storio bwyd. Ceisiwch adael llety iddyn nhw, neu annog mwy o le trwy adael planhigion sy'n dringo, fel iorwg, neu gynnig blychau nythu neu silffoedd.

£ TG, GGf, GyP



RSPB



Mae cloddiau trwchus ar hyd ein lonydd yn goridorau



Coenagrion Benfro

## Gwarchod Nentydd ac Afonydd £

Crëwch ardaloedd llydan a garw sydd heb eu pori ar hyd nentydd ac afonydd i warchod bywyd gwyllt dŵr croyw rhag gwrtaith, tail, plaladdwyr a dŵr ffo o'r pridd. Rhowch gafnau neu gyfyngwch mynediad gwartheg at y nant i warchod y glannau. Fe fydd hyn yn gwella ansawdd y dŵr ac yn rhoi cynefin i famaliaid fel llygoden y dŵr a'r dyfrgi. Defnyddiwch hwsmonaeth pridd da i osgoi colli'r adnodd gwerthfawr hwn.

£ LRS, GP, TG AA-C, GYfBG, YASB

## Plannwch rawnfwydydd Gwanwyn a gadewch fonion gwellt y gaeaf yn y caeau. £

Mae'r bonion hyn yn dir bwydo da i fywyd gwyllt dros fisoedd y gaeaf. Fe fydd gadael planhigion eraill sy'n darparu bwyd yn hwyrach yn y flwyddyn hefyd yn denu mwy o fywyd gwyllt i'r fferm.

Fe fydd tyfu grawnfwydydd yn y Gwanwyn yn rhoi cyfle i adar fel yr ehedydd nythu dros mwy o'r cyfnod atgennedlu.

£ TG, GGf, GyP RSPB,

## Gadewch ymylon garw o amgylch y caeau



Fe fydd gadael sribed parhaol o leiaf 1m o led o amgylch y caeau yn galluogi nifer o chwyn âr i ymsefydlu ac mae'n rhoi lloches i famaliaid bach, pryfed, corynod ac adar. Fe allwch hefyd gysylltu cynefinoedd gyda glaswellt a blodau brodorol tal wrth dorri ar hyd traciau'r fferm a'r adeiladau bob yn ail flwyddyn yn unig i osgoi ymyrraeth gan brysgoed.

£ TG, GGf, GyP Plantlife, BC

## Darparu manau gwlyb £

Cadwch lynnoedd a sgrapiau mewn manau sy'n wlyb drwy'r amser. Cadwch rwydweithiau bach o ffosydd agored yn lle defnyddio draeniau tir lle'n bosib. Efallai fod y rhain yn sychu i fyny yn yr Haf ond maen nhw'n werthfawr i fywyd gwyllt fel gwas y neidr ac adar.

£ TG, GGf, GyP GYfBG, CCGC

**ALLWEDD** £ Grant ar gael Dim cost **££** Arbed arian Taflen / gwybodaeth

NFU Undeb Cenedlaethol yr Amaethwyr – Cymru  
UAC Undeb Amaethwyr Cymru  
CPT Cymdeithas Perchnogion Tir